

Headlines

- 1 रक्षा मंत्री राजनाथ सिंह होर देस भरै च सीमा सड़क संगठन बीआरओ पाससेआ तैआर कीती गेदिएं 75 बुनियादी ढांचा परियोजना दा उदघाटन कीता। उनें फौजिएं गी आखेआ जे ओह कुसै चाल्ली दे बी हालात कन्ने निबड़ने आस्तै पूरी चाल्ली तैआर रौहन।
- 2 प्रधानमंत्री इंटरनशिप स्कीम पोर्टल पर पंजीकरण रंभ होई गेआ ऐ।
- 3 समूलचे देसै च अज्ज जोश जज्बे कन्ने दशैहरा मनाया जा करदा ऐ।
- 4 मर्दे दे टी-20 क्रिकेट च अज्ज हैदराबाद च भारत ते बंगलादेश बश्कार श्रृंखला दा त्रिया ते खीरला मैच खेड़डेआ जाग।

<><><><><><>

BRO

सरहदी बुनियादी ढांचे गी उबड़ा चुक्कदे होई रक्षा मंत्री राजनाथ सिंह होरें अज्ज सीमा सड़क संगठन बीआरओ आस्सेआ 2236 करोड़ रपे दी लागत कन्ने तैआर कीती गेदे 75 बुनियादी ढांचा परियोजना दा उदघाटन करियै राष्ट्र दे नमित लाइयां। इनें परियोजना दा निर्माण अंडेमान-निकोबार द्वीप समूह सनें देसे दे 11 सरहदी राज्यें ते केन्द्र शासत प्रदेशें च कीता गेआ ऐ। वर्चुअल उदघाटन समारोह च रक्षा मंत्री होरें आखेआ जे 2014 च राष्ट्री जनतांत्रिक गठबंधन सरकार दे सत्ता च औन शा पैहले विकास दी रफतार रूकी चुकी दी ही। पूर्वोत्तर ते सरहदी राज्यें गी विकास मौके नेई थमां करदे हे। पर केन्द्र च सरकार दे बदलने परेंत पूर्वोत्तर ते साहदी राज्यें गी विकास दी मुखधारा च वापस आंदा गेआ ऐ। इन्ना गै नेई रक्षा क्षेत्र च इनें क्षेत्रे दे महत्वै गी ध्यानै च रखदे होई लोड़चदे विकास गी रफतार देने दी पैहल बी कीती गेई ऐ। रक्षा मंत्री होरें अज्ज 22 सड़कें, 51 पुलें ते 2 बक्ख-बक्ख परियोजना दा उदघाटन कीता। इने परियोजनाएं चा 19 दा निर्माण केन्द्र शासत प्रदेश जम्मू कश्मीर च, 11 लद्दाख, 18 अरुणचल प्रदेश, 9 उत्तराखंड, 6 सिक्किम, 5 हिमाचल प्रदेश, च, 2-2 पच्छिम अंगाल ते राजस्थान च ते 1-1 नागालैंड ते मिजोरम च कीता गेआ ऐ।

<><><><><><>

Rajnath

रक्षा मंत्री राजनाथ सिंह होरें अज्ज आखेआ ऐ जे मजूदा हालात गी दिखदे होई गोआंटी देसे पाससेआ कुसै चाल्ली दी बी कारवाई थमां इंकार नेई कीता जाई सकदा। इस करियै थेआरबंद बलें गी एह जकीनी बनाना लोड़चदा ऐ जे ओ कुसै बी हालात कन्ने निबड़ने लेई तैआर न। दशैहरे दे मौके पर दिर्जिलिंग दे सुकना कैटोनमेंट च सेना दे जवानें कन्ने शस्त्र पूजा करने परेंत फौजिएं गी संबोधत करदे होई राजनाथ सिंह होरें आखेआ जे जड़ू दे उनें रक्षा मंत्रालय दी जिम्मेदारी सांभी ऐ, तदू थमां उनें सदा गै इस गल्ला पर जोर पाया ऐ जे वैश्विक हालात भाएं कनेह बी नेई होए न, उनें तैआरिएं च कोई कसर बाकी नेई रखना लोड़चदी। श्री सिंह होरें आखेआ जे असेंगी कुसै गी हालात ते हर विकल्प ताई सक्रिय तौरा पर तैआर रौहना होग, की जे इयै समें दी मंग ऐ। शस्त्र पूजा परेंत उनें आखेआ जे कुसै बी चीजें दा पूजा करना इस गल्ला दा साफ इशारा ऐ जे लोड़ पोने पर ओहदा पूरी तगड़ेयाई कन्ने इस्तेमाल कीता जाग। एह समारोह राष्ट्री सुरक्षा बक्खी सतर्कता ते विकास दा प्रतीक ऐ।

<><><><><><>

LG BRO

जम्मू कश्मीर दे उपराज्यपाल मनोज सिन्हा होरें जम्मू कश्मीर च बीकन ते संपर्क तैहूत 19 सड़क ते पुल परियोजना गी लोकें दे नमित लाए जाने पर रक्षा मंत्री राजनाथ सिंह हुंदा धन्नबाद करदे होई आगार प्रगट कीता ऐ। इक सोशल मीडिया पोस्ट च उपराज्यपाल होरें इनें परियोजनाएं गी महत्वै आला दस्सेआ, जिंदा मकसद बुनियादी ढांचे च सुधार करना ऐ, जेहड़ा सेना ते नागरिक प्रशासन दौनें आस्तै रणनीतिक तौरा पर न शड़ा टकोहदा महत्व रखदे न सगुआं दूर दरेड़े इलाकें च लोकें ताई माली जीवन रेखा दे तौरा पर बी कम्म करगंन।

<><><><><><>

Bani Bridge

रक्षा मंत्री होरें अज्ज सीमा सड़क संगठन दिएं नेकां परियोजनाएं दा वर्चुअल ढंगै नै उदघाटन कीता, जिंदे चा 4 परियोजनाएं पर न। कटुआ थमां आकाशवाणी संवाददाता प्रदीप शर्मा होरें जानकारी दित्ती ऐ जे डीडीसी चेयरमैन कर्नल मान सिंह जेहड्रे ने नमें खोले गेदे पुल पर मजूद हे, होरें दस्सेआ ऐ एह पुल पहाड़ी इलाकें आस्तै बड़े महत्वपूर्ण न की जे एह बन ते भद्रवाह बश्कार संपर्क गी मजबूत करगंन। जेहदे कन्नै लोकें दी जिंदगी आसान होई जाग। कर्नल मान सिंह होरें आखेआ

<><><><><><>

PM-Internship

प्रधानमंत्री इंटरनशिप योजना 2024 ताई पंजीकरण प्रक्रिया अज्ज रंभ होई गई। इस बरे दे केन्द्री बजट च घोषणा कीती गेदी ऐ पैहले नोजवानें गी कारोबारी माहौल च व्यवहारिक अनुभव हासल करने च मदाद लेई 12 म्हीने दी इंटरनशिप उपलब्ध करोआने दा लक्ष्य रखे दा ऐ।अजें तगर पोर्टल पर 193 कंपनिएं तकरीबन 01 ज्हार इंटरनशिप दे मौके उपलब्ध करोआने दी घोषणा कीती दी ऐ। सरकारै दा लक्ष्य इस माली बरे च सवा लक्ख इंटरनशिप अवसर प्रदान करदा ऐ। एह मौके ऑनलाइन पोर्टल pminternship.mca.gov.in राएं प्रदान कीते जा'रदे न। इंटरनशिप दरान नोजवानें गी इक बरे ताई 5 ज्हार रपे म्हीने दित्ता जाग एहदे इलावा उनेंगी 6000 रपे दी इक मुश्त रकम बी दित्ती जाग। इंटरनशिप दे एह मौके 36 ते केन्द्र शासत प्रदेश दे 737 जिलें च उपलब्ध होंगन। मेदवार अज्जै थमां लेइयै इस म्हीने दी 25 तरीक तगर पोर्टल राएं इंटरनशिप लेई आवेदन करी सकदे न।

<><><><><><>

Jammu Car Rally

उपराज्यपाल मनोज सिन्हा होरें अज्ज श्रीनगर थमां वायु वीर विजेता कार रैली गी झंडी दरिसयै रवाना कीता। एह रैली भारती वायु सेना उत्तराखंड वार मेमोरियल दे कन्ने रलियै आयोजित करा'रदी ऐ। राजभवन च हवाई योद्धा कन्ने गल्लबात करदे होई उपराज्यपाल होरें उनेंगी सम्मानित कीता ते कार रैली च शामिल सारें गी शुभकामना भेंट कीतियां। उपराज्यपाल होरें आखेआ जे राष्ट्र मता सुरक्षत ते शांतिपूर्ण माहौल पक्का करने आसते सशस्त्र बलें दा आभारी ऐ जेहदे करी राष्ट्र तेजी कन्नै तरक्की ते खुशहाली दी बक्खी बधा'रदा ऐ। उनें आखेआ जे पिछले 10 ब'रें च आधारमूल सुविधा ते संपर्क गी लेइयै सीमा दे कन्नै लगदे इलाके च प्रधानमंत्री नरेन्द्र मोदी हुंदी सरपरस्ती च बड़ा विकास होआ ऐ। 50 हवाई योद्धा शा बन्ध इस रैली च हिस्सा लै'रदे न जेहड़ी लददाख दे थोइसे थमां अरुणाचल प्रदेश दे तावांग दा सफर तैह करोग। 7 ज्हार किलोमीटर दा फासला तैह करदे होई एह लोकें च भारती वायु सेना दे सुनेहरे इतिहास बारे प्रचार करगंन ते नोजवानें गी सशस्त्र बल च शामिल होने आस्तै प्रेरित करगंन।

<><><><><><>

Dussehra

देश दे हर इक हिस्से च विजयदशमी यानि दशैहरे दा ध्यार बड़ी धूम धाम कन्नै मनाया जा'रदा ऐ। एह ध्यार असेंगी बुराई पर अच्छाई दी जितत, भगवान राम जी दी रावन पर जित्त दा चेता दोआंदा ऐ। इस दिन नरातें ते दुर्गा पूजा दा बी समापन होंदा ऐ। राष्ट्रपति द्रौपदी मुर्मू, उपराष्ट्रपति तगदीप धनखड़ ते प्रधानमंत्री नरेन्द्र मोदी होरें देशवासिएं गी दशैहरे दी शुभकामना दित्तियां न। जम्मू कश्मीर दे उपराज्यपाल मनोज सिन्हा होरें बी इस ध्यार दी मुबारकां दित्तियां न। देश दे बक्ख-बक्ख हिस्सें च लोकरावन दा पुतला फुक्कियै बुराई दी महेशां अंत गै होंदा ऐ, दे सनेह् दा प्रचार करदे न।

<><><><><><>

Day Vijaydashmi

आर.एस.एस प्रमुख डॉ. मोहन भागवत होरें महिलाएं खलाफ अतयाचार गी उजागर करदे होई आखेआ ते आर.जी.कर अस्पताल कालेकातपा च होए दे शर्मनाक हादसा, अपराध ते राजनीति बश्कार गुटबंधी दा नतीजा ऐ। डॉ. भागवत होरें नागपुर च विजयदशमी दे मौके आयोजित मुख्य कार्यक्रम गी संबोधत करदे होई कार्यक्रम राष्ट्र स्वयंसेवकें संघ दे 99में स्थापन दिवस पर आयोजित कीता गेआ। उनें आखेआ जे शिक्षा संसीनें च सांस्कृतिक मूल्यें गी लेइयै बच्चें गी सिखना चरहिदा। उनें आखेआ ते किश ओटीआई प्लेटफार्म पर एतराज जोग चीजें दा प्रचार संस्कृति दे खलाफ न ते इसी कनूनी तरीके रोकने दी जरूरत ऐ। गोआंटी मुख्य बंगलादेश च हाल दी स्थिति दे बारे च बोलदे होई डॉ. भागवत होरें आखेआ जे टकोहदी विचारधारा दे कारण गै बंगलादेश च असुरक्षा दा माहौल ना सिर्फ हिंदुएं, सगुआं अल्पसंख्यकें आस्तै बनेया। आरएसएस दी स्थापना पैहल सारसंघ चालक डॉ. केशव बलराम हेडबेवर होरें 1925 च नागपुर च दशैहरे दे पावन ध्याड़ा कीती ही। संघ अपने 100 ब'रे अगले ब'रे पूरे करोग।

<><><><><><>

Katra Shrine

अज्ज शारदी नराते दे समापन पर मां दुर्गा दे दर्शनें आस्तै जम्मू कश्मीर दे कटरा च श्री माता वैष्णो देवी मंदर च भक्त दी बड़ी मती भीड़ दिखने गी लब्धी। रियासी थमां आकाशवाणी संवाददाता दवेन्द्र ठाकुर होरें श्री माता वैष्णो देवी अस्थापन बोर्ड दे मुख्य कार्जकारी अधिकारी अंशुल गर्ग हुंदे हवाले कन्नै खबर दित्ती ऐ जे नराते दरान अजें तगर 4 लक्ख शा बद्ध श्रद्धालुएं माता वैष्णो देवी दे दर्शन कीते। दूई बक्खी यात्रा आस्तै बोर्ड आस्सेआ कीते गेदे प्रबंधें कन्नै भक्त बड़े मते खुश न। उंदे चा किश नै आखेआ

<><><><><><>

Culture

कला केन्द्र सोसायटी जम्मू त्रै रोजा अंतर्राष्ट्री कला नुमांइश ते वर्कशाप दा आयोजन कला केन्द्र विक्रम चौक जम्मू च कल थमां करारदी ऐ। सरकार दे कला ते शिक्षा विभाग दे प्रिसिपल सचिव सुरेश कुमा गुप्ता होर इस मौके मुख्य परौहने होंगन ते सोसायटी ने सारे लोकें गी सांस्कृतिक कार्यक्रम च ओने इदा साददा दित्ता ऐ।

<><><><><><>

Cricket

भारत ते बंगलादेश बश्कार 3 टी-20 क्रिकेट मैच दी श्रृंखला दा त्रीया ते खीरी मैच अज्ज संजा हैदराबाद च होग। मैच संजा 7 बजे शुरू होना ऐ। उआं पैहले दवै मैच जित्तियै भारत श्रृंखला पैहले गै अपने नां करी चुके दा ऐ पर फही बी 3-0 दी जित्त दर्ज करने लेई ओ अज्जै दा मैच बी जित्तने लेई पूरी कोश्ट करोग। ग्वालियर च खेड्डेआ गेदा पैहला मैच भारत नै 7एं विकटें कन्नै जित्तेआ हा। जिसलै जे दिल्ली च खेड्डे गेदे दुए मैच च भारत नै महमान टीम गी 86 रंजें कन्नै शिकस्त दित्ती ही। तोआई बीसीसीआई नै 16 अक्टूबर कोला न्यूजीलैंड कन्नै खेड्डे जाने आली त्रै टैस्ट मैचें दी श्रृंखला लेई भारतीय टीम दी घोशणा करी दित्ती ऐ। बीसीसीआई नै कल जारी इक ब्यान च आखेआ जे रोहित शर्मा टीम दे कप्तान ते जसप्रीत बुमराह उप कप्तान होंगन।

<><><><><><>

Asian Table Tennis

एशियाई टेबल टेनिस चैंपियनशिप च एहीका मुखर्जी ते सुनिर्था मुखर्जी नै अज्ज महिलाएं दे अस्ताना कजाकिस्तान च होआ'रदे डबल्स सैमीफाइनल च अपनी थाहर पक्की कीती। इनें दक्खन कोरिया दी किम नायेओग ते ली इन्हे गी क्वाटर फाइनल च 3-1 कन्नै मात दित्ती। एहिका सुनिर्था दी त?जोड़ी दा मकाबला जापान दी मिवा हरिमोती ते मीयु किहारा कन्नै कज सैमीफाइनल च होग।

<><><><><><>

Poonch Boxing

महिला सशक्तिकरण ते खेड्ड प्रतिभा गी बढ़ावा देने दे मकसद कन्नै युवा सेवा ते खेड्ड मैहकमा वाईएसएसडी पुंछ नै समाज कल्याण मैहकमे दे सैहयोग कन्नै बेटी बचाओ बेटी पढ़ाओ अभियान दे हिस्से च अज्ज पुंछ च कुड़िएं दी मुक्केबाजी प्रतियोगिता दा सरिस्ता कीता गेआ। पुंछ लामां आकाशवाणी संवाददाता अनुभव मिसरी होरें दस्सेआ जे प्रतिभागिएं च जिले दे बक्ख-बक्ख मुक्केबाजे इस मकाबले च हिस्सा लैता। अपने हुनर, ताकत ते खेड्ड कौशल दा प्रदर्शन कीता। कार्यक्रम दरान खेड्डे च बी लैगिंक बरोबरी बारे आम लोकें गी लागरुक कीता गेआ तां जे लोकें बेटिएं दा खेड्डें च कैरियर बनाने आस्तै रूकावट नेई बनन। मकाबले च हिस्सा लेने आले गी तगमे ते प्रमाण पत्र प्रदान कीते गे। इत्थुआं जित्त लेई हासल करने आलें गी राज्य सतह पर प्रतियोगिता दे दुए गेड्ड च अगगे बघगन।

<><><><><><>